

## Schnitzelbank 2026

Mit **dr** Fortuna **hät** d'Schadt Chur **gmacht** a groossa **Schritt**.  
**Miar** müend niidloos g'**schtooh**, das **Schualhuus** isch dr **Hit**.  
A **kliina** Wermuatstropfa **gits**, ma **sötts** schnuarschtracks verbüta,  
dass d'**Schualglocka** vur **Oberschtuufa** am **Viertel** ab Sibni **lütted**.

### Refrain

*Miar sind nu zwei kliini Würschtli, ohni Ahnig vu dr Welt.  
„Schnudergoofa“, meint dr Lehrer, wenn är üüs vor d'Tüüra schtellt.  
Aber immer an dr Fasnacht, zahlend miar das alles hei,  
allna Nöck und Sesselfurzer schiffend miar ans Bei.*

Khei **Beizafasnacht meeh** in Chur - **das** isch megakrass.  
Bald **gits** villicht in **üsrer** Schtadt, khei **Piar** meh über d'**Gass**.  
Au ds **Reschtorant** Drei **König** - hät **gmacht** d'Schotta **dicht**,  
dia **legendära Partys** döt im **Kellergwölb** sind **Gschicht**.

„Alles vorbei Tom (**Schlag**) Dooley“ **singend** miar fascht jeda **Tag**.  
In **Chur** gohts zu und **her** – alles Schlag uf **Schlag**.  
Ds Drei **König** zua, z'**Allegra** gschlossa, im **Selig** tunkli **Fenschter**,  
**laufsch** am Oobed **z'Chur** dur d'Altschtadt, **triffsch** du nun no **Gschpenschter**.

Dr **Bundesroot** – dr **Rööschti** - als **Erschta** törf **probiera**  
Er **keut** und keut und **keut** – muass **huara** lang schtudiera.  
A **heikli** Sach d'Bewertig vu **Chips** mit **Aromat**,  
denn **dää** Entscheid khönnt **gförda** d'Neutralität vu **üsrem Staat**.

D'**Uusgangslaag** **verschissa** - klagt d'**Regierig** vur Schtadt **Chur**.  
A **Huufa** offni **Bauschtella** –für jedas **Velo** an eigni **Schpuur**!  
**Hallabad**, Bram**brüesch**bähkli, fehlendi **WC** und no **meeh**.  
**Helpa** kha nu ds «**Wunder** vu Chur» – **Geld** vunara guata **Fee**.

As **bröckelat** und **bröckelat** - as **regnet** Gips und **Mörtel**,  
im **Theater** Chur, do **lösend** sich **an** dr Tecki d'**Schnörggel**.  
**Zum** diä Mängel **wider** flicka - **bruuchts** a **Lottogwinn**,  
sus **isch** denn z'Theater **Chur** bald us da **Auga** und em **Sinn**.

Es **isch** amool a **Bäähnli** gsii - topmodern und luxuriös,  
doch **jetz** isch es ins **Alter** khoo - **eifach** desaschrös.  
Sii **plaanend** schu sit **15** Joohr - und **khömmend** niana **aana**.  
Weg a paar **Furzidea** schtiiegend d'**Köschta** ins **Nirwana**

„Uffa“ heisst dia **Bahn** - schu **sit** geraumer **Ziit**.  
Sit **15** Joohr am **Plaana** und **khoo** sinds no nit **wiit**.  
Für **45** Millioona mit - **Uussichtsreschtorant**,  
wo **grad** amool ds **Schanfigg** gseesch! Isch **das** nit hirnverbrannt?

**Tonner**, Hagel, **Rääga**, **Sunnaschii** und **Schnee**  
Dr **Bucheli** goht **in** Pension – Flury tuat überneeh.  
Ds **Erschta**, wo er **iigfuhrt** hät bi **siina** Wetterfrösch:  
„Am **Schluss** vum Meteo **sägend** iar: „**Hübscha** Oobed!“ – „**Hösch!**“

**In** dr Schual, do **khömmend** miar **täglich** heftig **draa**.  
D'**Lehreri** – d'**Frau** **Genialisti** – **khann** üüs gära **haa**!  
Letschthin **händ** miar khei **Ufzgi** gmacht - sie **motzt**, dia doofi **Schnucka**,  
Dr**bi** folgend miar **nu** am Root: „**Hend** doch Muat zu **Lucka!**“

Dr **schöön** Ermotti **und** dr Stadler **hend** khaa d'Naasa **voll**.  
Geg' d'**Plän** vur junga **SP** - **hend** sie g'hegt a **Groll**.  
Sie **hättend** iara **Püntel** packt, während dia **Schtüüra** duurakhoo,  
jetz **gits** bi SRF halt khei **Extra** „Uuf und drvoo“.

Letscht **Wucha** hend miar **zwei** fasch **wella** duraschtarta.  
Sind **gsii** verwirrt, **total** verloora ohni **Prepaid** oder **Karta**.  
Vum **Bahnhof** in dia **Ober** Au - hend **miar** denn müassa **tschana**,  
**will** im Bus mit **Bargeld** - **niana** meeh kusch **aana**.

Kürzlich hät üüs d'Mamma g'schickt **zum** a Shampoo **kaufa**.  
Miar **söllendi** zum **Müller oder** Rossmann **laufa**.  
Dia **Uuswahl** döt bringt **eim** an d'Grenza, **macht** eim halb verrückt.  
Miar **loobend** üüs dr **Camping** Kiosk mit **jeewils** eim **Produkt!**

**Miar** zwei händ üüs **aagmeldet** - für a **Luxus**-Doppelzimmer  
mit **guater** Bergsicht **und** no meeh, jetz **sägend** miar: „Nie und **nimmer**“.  
**Bissig**, komisch **und** diffuus - d'**Fahna** schtönt uf **Sturm!**  
Bald **schtot**sch du nümma **Schlange** in dem **Seniorazentrum**.

Vom **Gianni Infantino** - hend **miar** doch scho meeh **prichtet**.  
Er **meint** er sig dr **Grösch**t, dr **Schönscht**, dr **Bescht** - wo alles **richtet**.  
Er verbindet **d'Kraft** vum Fuassball **mit** dr **Politik**.  
„Dr **nöchs**ti **Fifa-Friedenspriis** gäng an **ihn** - als **Favorit**.“

Im **Sinn** vu Schpaarmassnahme - ohni **Rücksicht** uf **Verluscht**,  
**Programmkürzig** isch **aagsait** - a totala **Fruscht!**  
Uf da **Samschtigjass** und **au** da «Tschugger» - uf **dia** sind miar **versessa**,  
**zum** a bizli **schpaara** - khönnt **miar** das jetz **vergässa**.

A **Knall** tuats uf dr **Autobahn** - d'A13 isch **blockiert**.  
Dr **Fahrer** traut sina **Auga** nit, er **isch** total **schockiert**.  
A **Mega-Ruck!** Er **träht** sin Kopf und **frogt**: „Was isch do **loos?**“  
A **grossa** Eber **uf** vier Bei - grunzt **flüchtend** über **d'Schtross**.

Mim **Sackgeld** isch das **so** na Sach, Mitte **Monat** kheie meh **Rappa!**  
„Iar **müend** halt lerne **iiteila!**“ **tadlet** üüs dr **Pappa**.  
As **isch** üüs khoo a **Geischesblitz**: „As **wäri** doch nit **ohni?**“  
Wenn **ma** für üüs a **Verein** tät gründa, **wia** für da **Quadroni**.

**Olympia 2038** im **Winter** hend's im **Sinn**  
als **Host** dia ganzi **Schwiz** drbii, sie **meinend** es seg a **Gwinn**.  
**Cologna**, Metzler, **Ogi**, Gilli - **hend** scho **Inveschtoora**.  
Miar **glaubend** dia sind **alli** no **grasgrün** hinter da **Oohra**.

**Olympia 2038** im **Winter** hend's im **Sinn**  
als **Host** dia ganzi **Schwiz** drbii, sie **meinend** es seg a **Gwinn**.  
**Cologna**, Metzler, **Ogi**, Gilli - **hend** scho **Inveschtoora**.  
Miar **zwei** glaubend, di **sind** - bis **hüt** no nit **gebora**.

#### **Zum Lied: Alles faht Ski ...**

**Kheina** fahrt **Schkii**, **kheina** fahrt **Schkii**,  
im **Winter** gits **bald** kheie meeh Schnee!  
**Das** isch es **gsii**, **alles** vrbii, miar **säägend** am Winter „**Ade!**“  
D'Mamma, dr Pappa und Kids, juhee,  
dia **baadend** jetz **z'ganz** Joohr im **See**.  
D'Mamma, dr Pappa und Kids, juhee,  
dia **hend** nia meeh **an** da Füass **weeh!**

„**Luaga**, **loosa**, **laufa!**“ **das** isch z'Motto **gsii**  
für **alli** kliina **Gööfli**, wo **sind** im Kindi **gsi**.  
Doch **hüt**zutag lauft **jeda**, - jung, **alt**, Frau oder **Maa**  
hypnotisiert und **schtuur** nu **sinam** Händy **noh**.

Im **Trend** sind Hundehalter mima **E-Bike** - do bisch **platt**.  
Hängend **d'Leina** aa und **fetzend** mit **40** quer dur **d'Schtadt**.  
Uf **youtube** gseehschs, dia **Hündli** hend - jetz **luagend** eu das **aa!**  
Uf dr **ganza** linka **Sitta** - **khei** biz Fell meeh **draa!**

Kürzlich uf em **Pissoir** - im **Bundeshuus** - sona **Saich!**  
Wird's am **Parmelin** ganz **plötzlich** schlecht und **er** wird **schtuuchableich**.  
**Neba** im der **Rööscht**i grinst: „Friss **halt** no meeh **Raclette!**“  
Dr **Parmelin** luagt **abwärts**, sait: „I **glauba**, miina **red!**“

Dr **Viktor** meint, jetz **müassi** d'Wirtschaft **tüchtig** **inveschtiera**,  
**damit** in 10 Johhr d'**KMU** - **au** no khönnt **brilliara**.  
D'Schtadt **Chur** macht do nit **mit**, ziert **sich** wia na **Mimoosa**  
Bim **Geld** uusgeeh sinds **vorsichtig**, hend **dr** Kack in da **Hoosa**.

Ds **Dreigesch**tirn vu **Chur** sött' - **16** Millioona **schpaara**.  
Zwei **Dritt**el durch **Iinaahma**, dr **Rescht** im eigna **Karra**,  
A **Schtüür**erhöhg sölls nit geeh, **au** nit **provisorisch**,  
joo, **liabi** Lüüt, denn **isch** dia ganzi **Üebig** **illusorisch**.

Dr **Drecksch**patz als **Maskott**chen für ds **Entsorga** hends **kreiert**.  
Am **Kehr**ichtsack grad **au** no - a **Facelift**ing **schpendiert**.  
Dr **Schtei**bock, nu no **munzig**, das **isch** khei guati **Sach**,  
dr**füür** **brilli**erend **d'Chur**ersäck jetz **in** eifacher **Schprooch**!

Dr **Götti** hät üüs **gsait**, Auga und **Ohra** offa **z'haa**,  
denn **wer** viel weiss, - dä **khunnt** - im **Lää**ba au **voraa**.  
**Wenn** ma **gschiid** isch, **denn** - kha **ma** sich **schtella** **tumm**,  
**gar** nit **funktioni**ert das - **aber** **andersrum**.

Als **Eltara** häsch es **eifach**, du **hasch** gooh go **schaffa**.  
Als **Nana** und au **Neni** ischs **fertig** mit **uussch**laffa.  
Du **muesch** denn jeda **Ziis**chtig dr **ganzi** Tag **uusfü**lla,  
zum **da** **verwöh**nta **Enkel** - **jeda** Wunsch **z'erfü**lla.

D'Globalisierig **isch** a grosses **Ziil** vu dem Joohrhundert  
As **isch** jetz alles **anders** kho, s'gooh **drü**ber und au **drun**ter!  
Jetz **truck**ends uf da **Reset** Knopf, wend **gar** nüt meeh **riskiera**  
und **fanget** wider **aa** in dr **Heimat** z'produziera.

Alli wüssend sit **eh** und jeh - Wähler, **dia** sind wähler**isch**.  
**Das** isch klar für **jeda**, wo uf **dära** Lista **isch**.  
Öb **Aita**, **Maurizio**, **Valerie**, isch **üüs** eigentli **glli**,  
**Hauptsach** nit an **Avatar** **verseha** mit **KI**.

**Schpaara**, schpaara, **nomol** schpaara! **Miar** wens nümma **khöö**re.  
Am **End**, do luagend **wider**, dia wo **schin**aglend in **d'Röö**hra.  
Dr **Pappa** sait zur **Mamma**: - „Au **miar** khömmend no **draa**.“  
**D'Mamma** druuf **furztrocha**: - „ Denn gits halt **Brot** mit **Cervelat**!“

**D'Schwizer** Schkiass **hend** im letscha Renna /ir letscha **Saison**, jo **bigoscht**,  
**Zeigt** dr Konkurrenz, - wo **Bartli** holt dr **Moscht**. ???????  
Miar **hoffend**, dass dia **Schki**cracks nit **uf** da Gschmack tüend **khoo**  
und mim **Ermotti** und am **Stadler** göhnd uf und drvoo!

**Cool**, überlait, **neugierig** söttend miar Schüeler **sii**,  
nit **ummalü**mmla, **Flausa** haa, sus **machens** üüs ganz **klii**.  
„Khasch **du** für das a **Beis**chpiil geeh?“ dr **Lehrer** frogd dr **Gianni**.  
„Jo, **klar**! Herr **Lehrer**, **üüsra** **Schtappi**, dr **Meuli**, dr **Hammi**!“

Da **Staus** in Chur wens **an** da Kraga - endlich händ's das **begriffa**.  
Am **Rosahügel** und bim **Sommerau** - **wird** jetz waker **gschliffa**.  
**Neui** Spura und **Lärmschutz**wänd das für **19** Milliona **Fränkli**  
Bim **Chilla** kasch denn **Auto** zälla am **Obertor** uf am **Bänkli**.

## Ems

A **Blech**lawina **ohni** End - Tütschi, **Zürcher** und au **Pola**  
**D'Emser**, dia händ **d'Naasa** voll, alli **khönnt** na bliiba **gschto**hla.  
Das **Zauber**wort, das **heisst** «Blue Line» - **mit** Plarenga-**Card**.  
Nit alli **Emser** **jublend**, doch **verschprichts** a frei **Fahrt**.